



MGA HUSTONG TUBAG SA LEKSYON 1

Unang Tubag

b) Pilon ang hustong tubag sa pangutana o mga pulong aron makompleto ang gisulti

Ika-2 nga Tubag

k) Basahon pag-usab ang kuadro sa kasayuran ug sulayan na usab pagtubag.

Ika-3 nga Tubag

b) Ang numero sa pangutana ug ang letra sa tubag nga imong napili.

Ika-4 nga Tubag

b) tan-awon ang hustong tubag sa sunod pahina, itandi sa imong tubag ug markahan ug X ang sayup nga tubag.

Ika-5 nga Tubag

b) sama sa usa ka makalingaw nga du-la ug ang mga estudyante makakat-on ug dali kay sa ubang mga paagi.

LEKSYON 2

MGA KAAYOHAN SA PAGTUON SA BIBLIA

**ika-7 nga Pangutana**

Mahitungod sa unsa man kining leksyona?

- a) Nganong ang matag-usa kinahanglan manag-iya ug Biblia
- b) Unsaon pagbaligya sa mga Biblia
- k) Unsaon pagtoon sa Biblia
- d) Nganong ang matag-usa magatooon gayud sa Biblia

Tubag 7

Mga Kaayohan

Magpili kitag walo gikan sa daghang mga kaayohan nga atong madawat gikan sa pagtoon sa Biblia.

Ika-8 nga Buluhaton

Kopyaha kini:

1. Kalan-on alang sa kalag.
2. Kálipay
3. Pagkaduol sa Dios
4. Paglig-on
5. Patukuranan
6. Pagdasig
7. Kamatuoran
8. Kasigurohan





Kaayohan sa Pagtuon sa Biblia

1. Kalan-on Alang sa Kalag

Ang Biblia kalan-on alang sa kalag. Samtang magabasa kita niini matag-adlaw, makabaton kitag kalig-on sa lawas ug sa kalag. Ang atong espirituhanong kinabuhi nag-agad diha niining maong pagkaon.

Ika-9 nga Pangutana ug Buluhaton

Ang Biblia
alng sa

Sag-uloha kini:

Ang tawo mabuhi dili sa tinapay lamang, kondili sa matag-pulong nga magagala sa baba sa Dios. Mateo 4:4.

Tubag 9

2. Kalipay

Makabaton kitag matuod nga kalipay gikan sa pagbasa sa Biblia. Mao kini ang sulat-sagugma nga gikan sa Dios nanganhi kanato. Usa kini ka maanindot nga sinulat nga naghahatag ug kalipay.

Ika-10 nga Pangutana ug Buluhaton

Ang ikaduha nga kaayohan gikan sa pagbasa sa kasulatan mao ang K

Sag-uloha kini:

Pagkatam-is gayud sa imong mga pulong sa akong pagtilaw! Salmo 119:103

Tubag 10



3. Ang pagkaduol sa Dios

Mabati nato ang pagkaduol sa Dios sa dihang magabasa kita sa Iyang pulong. Mabati nato nga anaa gayud siya sa duol ug nakigsulti kanato. Usa kini sa labing dakung mga kaayohan nga atong mabatonan gikan sa pagbasa sa kasulatan.

Ika-11 nga Pangutana

Isulat ang unang tulong mga kaayohan:

1. Kalang sa k
2. K
3. Psa Dios
4. Paglig-on
5. Patukuranan

Tubag 11

4. Paglig-on

Ang pulong sa Dios puno sa mga paglig-on alang kanato. Diha sa Biblia nagapakita ang Dios sa iyang mahigugmaong pagtagad ug nagasulti kanato nga "Dili ko gayud ikaw pagapahikabsan ni pagabiyaan."

Ika-12 nga Pangutana

Basaha kini sa makatulo.

Ayaw kahadlok, kay ania ako uban kanimo, ayaw pagtalaw, kay ako mao ang imong Dios; paglig-onon ko ikaw; Oo buligan ko ikaw; Oo ituboy ko ikaw sa toong kamot sa akong pagkamatarung. Isaias 41:10.

Makakuha kita ug mga pn gikan sa Biblia.

Tubag 12



Mga Kaayohan sa Pagtuon sa Biblia

5. Patukuranan

Miingon si Jesus nga ang iyang Pulong maoy segurong patukuranan sa atong pagtulun-an ug sa atong paagi sa pagkinabuhi. Kadtong wala magatoo sa Biblia sama sa usa ka balay nga walay patukuranan.

Ika-13 nga Pangutana

Nagtudlo si Jesus nga ang mga tawo nga nagabarug nga malig-on sama sa usa ka malig-on nga balay taliwala sa bagyo mao kadtong sila nga nagatukod sa ilang kinabuhi diha

a) sa unsay ginabuhat usab sa ubang tawo.

b) sa mga panghunahuna sa siyensya.

k) sa patukuranan nga mao ang Pulong sa Dios.

Tubag 13

6. Mga Pagdasig

Pinaagi sa Iyang Pulong ang Dios nagadasig sa pagtoo, paglaum ug gugma diha sa atong kasingkasing. Pipila na kaha ka mga magsusulat ug mga mag-aawat ang nakadawat ug pagdasig gikan sa Biblia

Ika-14 nga Pangutana

Sulati ang mga Blangko

1. Kalang sa K
2. KY
3. Pl sa D
4. Pon
5. Patn
6. Pagg
7. Kamatuoran
8. Kasegurohan

Tubag 14



7. Kamatuoran

Ang kamatuoran nga hingkaplagan ta gikan sa Biblia nagatubag sa atong mga dagkung pangutana, ug nagahatag kanato ug pagsabot sa katuyoan sa kinabuhi. Nagapahigawas kini kanato gikan sa pagkawalay-hibangkaagan ug sa kasaypanan.

Ika-15 nga Pangutana

Sag-uloha kini:

“Kamo mahibalo sa kamatuoran, ug ang kamatuoran magahatag kagawasan.”

Juan 8:32.

Ang Kam nga atong nakaplagan sa Biblia magapahigawas kanato gikan sa pagka ug sa kas

Tubag 15

8. Kasegurohan

Makaplagan nato ang matuod nga kasegurohan diha sa Pulong sa Dios. Kini magagiya kanato ngadto sa walay kapiligrohan diha kang Cristo ug ngadto sa atong puloy-anan nga atua sa langit kini mao ang atong “espada ug taming” batok sa sala ug ni Satanas.

Ika-16 nga Pangutana

Nakakaplag ka na ba ug kasegurohan diha sa Pulong sa Dios? Tungod kay hinungdanon man gayud kini alang sa imong kaayohan, unsa may imong ginaplano nga buhaton sa Biblia?

a) Basahon kini matag-adlaw, toohan, maghunahuna sa mga pulong niini, ug mosunod sa mgatambag niini.

b) Basahon kini panagsa.

c) Kalimtan na lang kini.

Tubag 16



Mga Kaayohan sa Pagtuon sa Biblia

"ANG BIBLIA"

KALAN-ON

ALANG

SA

KALAG



MGA HUSTONG TUBAG SA LEKSYON 2

Ika-7 nga Tubag

d) Nganong ang matag-usa magatooon gayud sa Biblia

Ika-9 nga Tubag

Kalan-on
Kalag

Ika-10 nga tubag

Kalipay

Ika-11 nga Tubag

Kalan-on, Kalag,
Kalipay
Pagkaduol

Ika-12 nga Tubag

Paglig-on

Ika-13 nga Tubag

k) sa patukuranan nga mao ang Pulong sa Dios.

Ika-14 nga Tubag

1. Kalan-on, Kalag
2. Kalipay
3. Pagkaduol sa Dios
4. Paglig-on

5. Patukuranan

6. Pagdasig

Ika-15 nga Tubag

Kamatuoran
Walay hibangkaagan
Kasaypanan

Ika-16 nga Tubag

Nagaagad kini
kanimo